


高宗詩文十全集

四



高宗詩文十全集

(四)

清 高 宗 撰
彭 元 端 編

御製詩文十全集卷十七

平定回部第四之六

詩四十首

八月十八日恭奉皇太后木蘭行圍啓蹕之作庚辰

每歲金秋舉獮苗悠悠旌旆馬蕭蕭承歡內外都無間繩武觀揚亦孔昭示法子孫從啓蹕每歲木蘭行圍諸皇子皇孫
畢從俾習勞也隨圍賓客扈來朝今年蒙古諸賓客以祝萬壽來京者衆即由此扈駕而行新攜回部鵠師赤回部霍集斯等皆令隨圍彼中放雕鵠者謂之鵠師赤如元史稱司鷹者謂之鵠師赤
錫保赤之類高處興安試放雕雕鵠宜於高處就下放之滿洲蒙古以騎爲重若回部厄魯特則以此爲重云

出古北口得詩四首

年年獮狩此經過外戶何須亟禁訶天捲秋雲歸塞嶺潦收川水退潮河
綏豐關外可能同馬上昨猶卜度中佳象今朝真目擊村村比櫛更崇墉
從征新附賦歸歟樂土興州安室廬準噶爾渠帥達什達瓦部衆於乙亥年內附屢遷至山莊普甯寺前爲建室廬俾得衆族安居從征効力回部有功凱旋歸里今隨該管大臣等迎駕至古北口外
齊禮漸教遵式度虔隨典屬迎去聲鑾輿
口北耕民來往熟不譏更不必言征試詢慣事遊辭者應作何爲塞上行

九月朔日作

秋季惟朔旦，塞圍第一場。千山斂雲氣，萬樹絢晴光。迴巘鴻緇合，深溪魚貫長。咸賓逮回部，入觀之都爾伯巴什等，向曾預觀塞圍，其回部酋長霍集斯伯克、霍什克伯克等，以賜爵留居京邸，並屬藥園，從獵則自今歲始云。執役有名王，舊扎薩克、王、公、台吉等，率所部蒙古隨圍執役，歲以爲常。柔遠繩先切，詰戎寓意良。甯當懈幾務，獵罷閱封章。

過卜克達坂疊舊歲韻

去年出哨過，今歲進圍尋。果協貞符吉，舊歲九月初過此，有貞符如卜克，順卽選佳音之句，迴鑾未踰月，捷報果至。早傳逆賊擒。敢誇無事日，益勵有孚心。翠栢丹楓處，遙聞呦鹿音。

行圍二首

天府神臯百獸牲，細莎灌木靜無塵。最欣悉率升大阜，底藉要遮事斥闐。割截炙鮮猶古俗，炊金饌玉直癡人。舊藩新部衆同樂，獨者惟斯染翰頻。

千二百人各職司，率先扎薩恐淹期。衆扎薩克每日於五更時，領衆前往撒圍，圍將合，卽親至獵場，率先馳射，以均勞逸，不令踰時久待。尊爲元后親爲父，威實何須恩實宜。峻坂有時亦馳下，神鎗無故不空施。從來柔遠慈常廬，武定遐懷益慎茲。

蒙古王公等進宴卽席得句

木蘭歲歲秋圍舉，東道名藩許獻芹。舊例，木蘭行圍，扎薩克、盟長等，進公宴，家宴凡數次，朕命合數宴爲一，所貢之馬、駝、牛、羊，並卻不納，旣以聯中外一家之情，兼寓體恤之意云。

幕設崇岡菊節度。是日重九。席聯新部雁行分。隨園之部爾伯特親王策凌烏巴什等。回部郡王霍集斯伯克等。並命預宴列坐。湯羊美勝八珍膳。詐馬催來千錦羣。諸伎畢陳行賞罷。一家和樂萬方聞。

哈薩克使至。俾觀園。

阿布資汗。哈薩克汗名。候起居。蘇爾平。統阿布資姓。其名都勒特赫勒。蘇爾統。蓋其貴族之稱。如蒙古之台吉云。至謁鑾輿。兼程而進堪嘉彼。前聞阿布資遣使入覲。念其道遠。恐不能急馳。傳諭緩程而行。於十月初旬至熱河。而蘇爾統以九月初三自烏里雅蘇臺起程。月之十八。已抵波羅河屯。據云。途中驛騎餽糧。並荷天朝優恤。不知跋涉之勞。急欲瞻觀天顏。以申誠悃。厚惠以加甯斯予。北界控弦重習獵。漢家連網笑周陸。園期二日應教展。廿一日。駐蹕海喇蘇臺。止餘一園。因哈薩克使至。特命展加二日。俾得展從預觀。

射得肥麇便賜諸。

至張三營行宮。賜宴諸蒙古。疊丁丑舊作韻。

示遠園期兩日加。罷園依舊見黃華。曦迎暖谷人披襖。雪點曉峯樹戴花。自爲驅馳聊布惠。可知中外總爲家。洛那有宴仍教預。丁丑此宴。哈薩克陪臣亦適預。嘉彼鱗流仰集遐。

木蘭迴蹕至避暑山莊作

鹿期促駕駐兩日。塞上行園條又迴。美土如斯可慢去。遠人爾許況攜來。時回部郡王霍集斯伯克等。自京隨駕。都爾伯特親王策凌烏巴什等。以入觀扈從秋蒐。而哈薩克陪臣都勒特赫勒等。亦赴木蘭朝謁。既命觀園。並攜至山莊錫宴。從容宴樂應教預。假藉清涼得久陪。繩武惠遐綿奕葉。山莊嘉兆自天開。

永恬居疊舊作韻

一谷溫暾日。坐來滿屋簷。餞秋冬景破。半百鬢星添。松翠雪輕壓。楓紅霜飽霑。卷阿真愜意。魚海洗兵恬。

舊作有佇待伴渠歡。千戈戡永恬之句。

射

射是朝家夙所長。承平遊豫那宜忘。攜來新附控弦部。駐此當年避暑莊。親御矢弧聊示度。數頒幣帛用旌良。樹侯疊中休稱頌。是日發矢二十七。中十之九。破的者六。及易小鵠。復連中。舊部新蕃。暨哈薩克陪臣侍觀者。無不喜躍稱異。敬仰前猷敢不鑒。

萬樹園賜宴卽席得句

小陽春旭暖溫暾。今日筵開萬樹園。屈膝捧觴逮鹽澤。纏頭式禮廁花門。同部郡王霍集斯伯克等。及哈薩克陪臣。咸預宴。敢云一己示先烈。或可千秋示後昆。坐有鑠鑠如舊僕。偏稱兩度沐深恩。策凌烏巴什等。以甲戌夏入覲。曾宴賓於此。今入舊扎薩克之列。賜坐。

萬樹園觀燈火

巖風傍晚淨魚鱗。東望鍾峯掛壁輪。塞卽京華林卽上。燈原嘉夜月原春。千枝蠟鳳燃銀樹。百道星虹落玉津。義寓光明輝晷爽。甯云誇示遠徠人。

駐扎葉爾奇木大臣呈覽所鑄乾隆通寶至。因用排次回部錢文詩韻紀事。

昨歲元戎奏定功。早籌鼓鑄市廛通。卽看大冶範銘就。仍屬司農職掌同。將軍兆惠。歸爲戶部尙書。寶是乾隆來自外。

泉殊景德去由中。排次回部古錢時。有開元、景德諸錢。彼時未能臣服其地。自屬中國攜往者。用權子母底其貢。載戢干戈省厥躬。

微雪臘月十六日

微雪纔逾寸。冬來望久翹。松簷剛羃齒。梅塢未封腰。雖兆三白瑞。慙稱六幕調。回中偏報喜。新住海明奏至。葉爾奇木哈什。

哈爾。並於十一月初。得雪尺餘。新闢耕屯。足占豐稔。惜近慰於遙。

紫光閣寫功臣像及諸戰圖畢。集讌落成。爰賦六韻。仍疊四章。有序。

勳標偃伯。煙銷濛汜之氛。蹟炳圖形。雲擁趨陂之勝。時則掄偉績而系贊。先教褒鄂傳神。逮一善亦臚名。乃屬鄒枚紀實。匪詡天經地緯。恰符五數之重。真逾漢史唐書。能觀百賢之萃。且聚米狀山川。阨塞壁間八陣常存。而列星占旌纛飛揚。磧裏參旂盡掃。試按昇平王會。詎惟萬里而遙。爲思宵旰軍書。何幸五年式集。昨者歸而飲至。行觴趁上巳良辰。茲焉落以慶成。展席繼先庚嘉宴。凡在股肱心膂。藉國家翊運多才。應知竹帛旂常。承天祖垂庥永靖。維億載綏遐有象。已被丹青。予一人持滿彌殷。長鐫金石。

閣就勝朝址。見日下舊聞。圖標昭代勳。格慚虞帝羽。數過漢時雲。閣中圖功臣像。勳績顯著者五十人。朕親製題贊。餘命儒臣擬爲者。又五十人。視雲臺二十八將。不

音倍。大造無私佑。諸臣實盡勤。五年勞突將。此日幸休軍。有覺上林表。斯干液水濱。落成緣戢武。錫宴重登。摘文。

建置惟旌績。運籌匪詡勳。永期紀勞動。甯爲去聲賞煙雲。保大天垂貺。開遐子敢勤。帑原出內庫。督未命將軍。掄武駐冬日。每科武殿試。例於閣下校閱騎射。又諸技勇。慶成臨沼潰。詰戎求世德。寶訓揭鴻文。恭讀太宗、聖祖、世宗實錄。中飭武備。懲晏安。爲萬世大法者。敬勒石閣中。以昭彝訓。

伊犁征不戰。五月已成勳。將謂業安石。誰知事幻雲。驅馳常廬遠。擘畫不辭勤。最恨庫車輟。深虞黑水軍。事均見歷年詩章。轉旋叨昊綽。仍執竟淮濱。始末親籌筆。其觀勒壁文。經畫西師前後所製詩文。於成功端委。運籌次第。綜彙刻石壁間。示說實也。衛拉勞前烈。厄魯特。舊謂之四衛拉特。重華興放勳。敢云成不日。惟凜望如雲。載先去聲傳柑宴。允嘉荷戟勤。歸春舞干旅。洗雨伏波軍。風嫩中和樂。水酥太液濱。賡歌鴛鴦侶。可以共論文。

紫光閣落成錫宴。卽席得句。

落成勳閣液池濱。廣宴都陪宜力人。宴間以功臣圖書爲次。其四陲建績者。並令預坐。幸際時休頌照燭。宜聯句亦引垂紳。嬉文恬武由來戒。保泰持盈一再申。旭日春雲欣協象。是日曉陰微雪。宴時略晴。旣而復陰。祥花滋麥冀霑頻。

紫光閣落成錫宴聯句有序

雲連高閣。凌煙采壯三霄。景麗仙瀛。環海波澄萬里。旣戢戈而囊矢。有僕同徵。如松茂以竹苞。斯干式詠。英姿颯爽。共看畫就麒麟。瑞色繽紛。正喜晴餘鳩鵲。時則歲功肇慶。金穰初啓。重光春序開韶。木德全符已盛。莫舒二葉。移例宴於乾清。茵集千花。繼凱筵於豐澤。檻外輕陰微護。凝瓊島以氤氲。

檐間暖旭旋呈繞金鼈而蜿蜒壁縑按地覽新繪之分圖廡石編年撫舊題之遍勒廣殿九歌時敘
續紀武成明廷一德咸賡盛聯文會開疆鑿空底誇漢將無雙佐策發蹤應位鄧侯第一風雲翊運
昇平快觀百賢蕭露申情喜起遠隆千載北漢衣冠並集適屆朝正西濠裘帕紛來眞稱受吏酬庸
展席都陪英衛勳臣給札分曹并列馬枚詞客聯鼎恰掄廿四依花信之番番揚風豈讓三千抽藻
思之乙乙奉琛獻寶羣欽典屬威儀合璧聯珠詎詡靈臺占候持盈保泰予一人虔奉鴻庥杼輸摘
華爾諸臣謾鋪景鑠

御製例舉雲臺繪紫光忠勤集事表臣良落成開宴迓新社

列坐酬庸逮遠疆舊臘田家登上瑞元辰太史奏奇祥羣依黼座瞻堯舞臣傳仰識神功邁漢唐每奉廟
謨欽蕩蕩近承天語聽琅琅追隨劍履慙調燮臣來領袖衣冠忝贊襄詎以遭逢矜早達所欣運會協時
康三朝全盛咸親觀臣史奕世殊恩尙未償乘郭昔曾邀帝鑒備藩今復叩仙闈朝正快觀車書集臣成
布

御製系贊長留姓氏香獻歲迎禧纔翼日稱觴納慶答初陽休嘉殫隱聆韶樂

曩衍聯翩耀彩裝此際宸歡昭豫順五年聖算荷精詳終資虎旅能騰躍臣兆猶記羣狐妄跳踉爲效三
驅擒狡兔敢言一矢走天狼乾坤廣大超前牒臣富日月光華紀太常肺腑蒙恩深雨露股肱宣力厲風

霜遠人向化環干羽。臣色布騰巴爾珠爾

壯士還家脫桶襠。舊隸職方皆屬國。新徠疏勒是名王。輦飛秩秩尊三殿。

臣札拉豐阿

製。號闕桓桓表四廂。衛霍較功心彼惡。鄂褒傳照氣斯揚。獨掄同志蕭居首。

遍寫英姿閭擅場。貌得弓刀增颯爽。擁將旌旆儼飄颻。格登掃孽雷轟陣。臣阿里袞

沙歸五服。搗成鳳藻彙千章。市通普爾泉流廣。臣梁詩正珍獻和闐玉佩鏘。汗馬箭浮俱大赤。羽林擢萃盡中

黃。星弧遙響雕題國。臣秦惠田月蝟全平爰劍羌。蒲海瞻雲呈碧琯。瑤圖益地啓珠囊。渠胥置驛隻雙墩。臣永貴

製。都尉宜禾千萬箱。征戰昔原師武力。詠歌今屬翰文長。重華聯句欣堪繼。

豐澤其遊樂未央。燕帖楣編銀鑿落。蛻膏燈綴玉琤瑯。插桃分竹詞先就。臣裘曰修撒荔傳柑席待張。釀浹前

宵藍尾酒。甘餘隔昔膠牙餠。廡珉授簡叨榮遇。臣于敏中殷城連茵慰企望。照眼琉璃迎旭耀。舉頭翡翠切雲

翔。雪隨繡繖花繁砌。臣介福煙裊金爐篆拂墻。瓊島晴容浮菡萏。趨臺霞彩疊鴛鴦。九華烏奕凝松棟。臣觀保

製。三素輪囷繞杏梁。經始匪同麟閣建。飾陳祇就液池旁。膾川潛臙雲飛饌。

鄭玉腴斟金盞漿。幢竦都盧爭撒振。隊撐角觥互低昂。雕珂盤馬驤騏驎。臣王際華錦字銜書舞鳳凰。僦休兜

離諸律呂。摩訶勅勒叶絲簧。捧觥效祝烏羅護。臣錢汝誠鞠脰輸忱沒謹忙。鞦韆婆娑陳右部。蒲萄磊砢進西

涼。辛盤乍簇春初吉。臣錢維城中觀宏開日用剛。遞擘芸牋陪給扎。踰擎文綺喜承筐。唐花爛漫枝交亞。臣蔣炳

御製虞舜繽紛袖頡頏。粘壁陣圖紀勞動。堆盤貢果浥芬芳。止戈永誌皇乾佑。

載筆難名聖德滂。笑說平戎誇頡頏。陋聞奉使覽陳湯。八紘旋拱星從斗。臣莊有恭六幕提攜網在綱。畫室具

儀裳濟濟。歌鐘徹響簾。越越黃神鼓奏喧。饒吹。臣胡寶琮白阜屏排燦縹緗。雁磧從今休鐵騎。龍庭幾度晉銀

鑾。萬年仁壽重申命。臣周琬一曲昇平載篤慶。保大定功威震疊。蜀租賜復惠汪洋。鑾坡八觀逢晨賀。臣吳達善

御製象譯馳函幸歲穰。稟朔大宛參鷺序。值班回部接鷺行。西瀛北界一家合。求治圖安敬不遑。

尊藏得勝靈轟於紫光閣。詩以紀事。有序

亭鄴靖金牙。威宣載旆。燧烽消洱海。德表結旌。爰開高閣以圖形。並奔靈旂爲守器。原夫一麾臨閩外。彌文不侈。禡襪七宿炳壇中。壯志初傳。鏡鼓方過。祈連而壓陣。千山風鶴騰聲。更驅疎屬以揮軍。百部沙蟲掃跡。昔也緬李程刁斗。遜是森羅。今焉輝褒鄂弓刀。逾其英特。彼龍堆邈矣。詎惟銅柱齊標。而虎紐纍然。合與金符同譜。從此電霜生色。匪徒充武庫之儲。還將日月承華。庶永隸奉常之掌。麟閣圖形。例紫光。大師靈轟並尊藏。招搖伊古資神佑。功績從今紀太常。信是元戎篤忠悃。肯忘羣力效疆場。持盈知足懷乾乾。敢復佳兵恃盛彊。

武成殿作

紫光閣後殿。因額武成名。千載丹青貌。五年宵旰情。被天恩獨厚。資衆力斯誠。那更生餘望。迴思幸以驚。

弄藏西師俘獲軍器於紫光閣詩以誌事有序

幕庭收絕域。連翊風雲臺。閣應中台圖。兼將相軍儲森列。旂常已炳尙方陣。獲便蕃仗械胥登武庫。甲函青瑣得自前驅。脫胄之時。鎗委綠沉。出諸後隊。伏蛟之會。貫矢詎來肅慎。應知貳負先僵。佩刀疑壓赫連。早識溫禺久覺。掃蚩尤之長彗。還帶鼉纓。轟尸逐之鋒車。曾資鉛彈。凡此勳銘百戰。無須漂杵矜奇。方當蹟著九功。用藉包戈紀實云爾。

高閣巍巍表驩忠。弄藏俘獲類從同。戢干囊矢肆時夏。奪鎧寧旗藉衆功。信可傳神留百世。甯稱屈指數三雄。器書名例太常紀。甲冑旗纛之類。孰所獲者。各書名其上。以誌永久。一善吾惟憶莫窮。

紫光閣曲宴外藩紀事

祝聲三作翕如隨。琴上春溫動壓絲。中外一家宜愷樂。耕桑九服正熙怡。紫光佳話從今紀。豐澤恩筵合此移。每歲宴朝正外藩。例於豐澤園設大幄。茲以紫光閣落成。遂移筵宴於此。戢武毋忘詰戎戒。皇清奕葉奉天禧。

拔達山汗素爾坦沙貢刀歌

獻馘早已嘉摠誠。薄來厚往遣使行。感恩致貢器用呈。佩刀一握偃月形。兩馬先之白與青。邊臣代進達帝京。出鞘麗水躍如星。昆吾割玉古所稱。銛鋒鑄出浪人精。寶鈿金錯太麗生。皮室革帶堅且輕。無所用也方銷兵。付奔武庫徵來庭。

上元燈詞八首

今年初度玉輪團。傍晚偏欣定紫瀾。已盛悉新於底見。重熙燈節此長安。
西樓又值上元宵。王母樓頭佳慶饒。獻壽恰當七袞始。賀正猶萃九瀛朝。
大宛回部各分班。深目于思總忭顏。列坐賜茶陳百戲。紅霞數抹羃西山。
都盧倒刺奇難述。轉磔緣繩技畢覃。謾議侏離雜夷樂。列觀諸部取相諳。
暮色蒼然合放燈。一時樓閣朗千層。花開閬苑齊條鬯。霞起赤城方蔚蒸。
粲晏皇都度元夜。冲凝韶令迓春祺。人和歲美斯真慶。雲郁泉甘亦底爲。
星星一綫飛空迅。爛爛千林著蕊均。已喜光明杯照世。更看仁壽鏡宜人。
侍慈行慶與時行。消息還籌虛若盈。古寺空寮春月入。箇燈常放大光明。

觀回部繩伎聯句有序

繩伎。卽古尋橦度索之遺。而徵信也。史闕有間。國家諸藩向化。方伎畢臻。若僦。侏。兜。離。大之可以數典。紀功。精之可以省風。體物。所由來遠矣。比因回紇內屬。花門抱器者。胥隸樂府。獻歲列部。番覲燈筵。款侍。乃命回人。緣高楔。跨修絙。前奏斯伎。以愜觀聽。其始也。戛戛子子。無挾而造。則近乎勇。其繼也。于于徐徐。出險而亨。則近乎智。其究也。油油灑灑。奉身而退。則又近乎仁。蓋一藝而三善具焉。若

是昔昌黎石鼎聯詠。重自標置。謂吾詩云云。不解人間書。矧我二三詞臣。方當釐宮懸所必備。補王會所未圖。而可孤勝事作恆語乎。是用卽目首倡。俾劉綸于敏中聯成五十韻。以示誌西域者垂之副墨。

製御 筠冲今允服。都盧昔所稱。燈節陳長伎。

檣戲超同朋。首髡省綽鬢。脛露辭裏滕。扱衽屬囊韃。臣劉綸束體雜組繒。連隊次樂部。儲具供林丞。差排跋

斯翼。臣于敏中

製御 控掣揅之隕。雙撐千尺木。直拽三丈繩。如虹拖碧落。

不棧懸丹峻。窮巔互榻度。拓勢么弦掣。腔遲秋筆哨。臣劉綸拍急臘鼓鑿。居然謝梯筏。詎爾忘淵冰。臨厓送

者返。臣于敏中

製御 拔宅仙乎登。發地上累足。凌空息撫膺。奇趨忽百出。

邪許時一膺。布武矢偪仄。振臂誇使僮。鞠效秦贅臆。臣劉綸擔匪虞卿簦。低腰宛舞女。合掌俄枯僧。跡絕邨

郭學。臣于敏中

製御 意會徇僂承。履銅取滑細。著屐甯悠兢。屏營無二慮。

揜挂惟兩肱。絲曳蜓立顛。角挂矜睡菅。竿頭詣成進。臣劉綸繫表神來騰。迴旋轆轤軸。盤辟浮圖層。亭亭踞

閭闔。臣于敏中。

製軒軒棲觚稜。警下儼跨馬。虛躍似翻鷹。安其危永吉。

動亦定乃凝。叱陋九折坂。抽爨三釋棚。佛跏安帖結。臣劉綸禹步蹒跚仍。綳殊孩兒倒。牽詫傀儡興。爪攫鸚

在架。臣于敏中。

製尾掉魚離。睂目正徑無險。心卑高可乘。木雞差足擬。

磨蟻猶難勝。初虞引髮重。轉喜糸卵增。達中或重繭。臣劉綸棘端孰鋪毳。磬折筍虞系。蓬轉颺車凌。奄馳籊

雲驥。臣于敏中。

製將徒培風。鵬諷元徒傳藻。賦張真究升。踴躍有餘暇。

彳亍鮮後懲。情移禦寇善。力靡偃師憎。卻行退宋鵠。臣劉綸縮守黏曹蠅。進止自栩栩。視聽交繭繭。拔河鬪

謾騁。臣于敏中。

製胃索走妄誕。旁觀駭汗致。孤翹壯心憑。教猱猱遜捷。

憐夔夔敢矜。方外遊殆庶。域中見何曾。巧習履而泰。臣劉綸道藝貞以恒。胸晒石火熾。機鄙扶風縑。交閭新

誌備。臣于敏中。

製幻人前事徵。列覩俾愜衆。論賞聊勸能。行慶輯戎索。熙春和氣烝。

永慕齋疊舊作韻

行齋比歲一來居。稍慰予心更怒予。猶覺嶺雲遮浩浩。那能莊夢穩蘧蘧。越養此日敬勤實。恐致當日付託虛。厄魯于闐都扈蹕。幸蒙恩庇總消除。

御製詩文十全集卷十八

平定回部第四之七

詩七十一首

射虎川辛巳

西來聖蹟仰依前。嶺谷重經射虎川。榛薄鼠如真不啗。寺樓麟楨尙居然。至今其虎尙楹置臺榭寺中。三驅弧矢罷平野。承平日久。舉關率無隙地。不似康熙初年。此地尙有野獸。可行圍也。萬戶耕桑遍大田。稍可弗孤前烈者。秋圍一試示于閩。去秋木蘭行圍。嘗一郡王霍集斯等。及哈薩克赴觀陪臣。並扈從與觀。

郊臺有序

行春還赤縣。才餘一舍之程。卓午駐青旗。載跋三成之埧。官柳依依夾路。年前想解戰袍。女牆疊疊緣階。日下疑聞擗鼓。上將今來裘帶雍容。扈蹕同登。豐碑昔著雅歌。肅穆升香特拜。凡此妙薦旌而屬句。彌懷帝祚延洪。不忘臨虎穴以宣猷。益切予心保泰。

郊臺曾此勞軍迴。列蠲虔酬天佑恢。一歲循環真迅矣。萬年景鑠實貽哉。於今祇凜持盈念。絕域甯誇拓土材。耆定新疆籌善後。共勤耕牧闢汙萊。